

纯常子枝语

仲聯題

純常子枝語卷三十四

萍鄉文廷式撰

黑龍江外紀云漢軍果氏以爲係出滿洲瓜爾佳與瓜爾佳氏世不結親余按瓜爾佳今又譯作關關果亦一聲之轉然與金史之夾谷則實不相近外紀又云漢軍其先多出山左齊齊哈爾墨爾根黑龍江三城有之其豪族崔王兩姓崔尤盛號崔半城而東崔不與王氏相傳完顏裔又有果姓以爲系出滿洲余按漢軍佟姓亦云與滿洲同族蓋雜居旣久互爲婚姻有不復能盡識別者矣

西南苗獐各種大抵狃獠之舊俗實有上古之遺風焉
以美洲紅苗臺灣野番證之則此殆卽支那之原產也
今略列諸家所記可以知其種別焉陸次雲尙谿纖志
云苗人盤瓠之種也有白苗花苗青苗紅苗黑苗苗部
所衣各別以色散處山谷聚而成寨睚眦殺人九股苗
在隆興凱里二界宋家蔡家春秋宋蔡二國之後流而
爲蠻按此等殆附會之說未必可信天苗多姬姓周後也尙行周禮祭
祖推其家長唱土語爲讚祝紫薑苗裝束同漢人貢爺
苗在白納克孟牯牛乃二種也處於金筑擇懸崖鑿竅
而居里人亦名天苗身衣木葉狃兜衣青左衽身不離

刀狃老與西苗同俗又有狃獠苗獠人號十二營長獠
鬼狃獠言語不通獠人爲之翻譯狃獠有花狃獠紅狃
獠赤腳善奔布圍下體謂之桶裙有打牙狃獠剪頭狃
獠豬屎狃獠豎眼狃獠黎州蠻白馬氏之裔分十一種
獠獠本名盧鹿有黑白二種黑爲大族深目長身面黑
齒白故名獠鬼金齒古哀牢國其苗人皆九隆之後木
邦一名孟邦其人多幻術老撾徧體花繡俗同木邦獠
一名輦客其種有八是謂八蠻獠人居五嶺之內冬綴
鷲毛木葉爲衣獠人亦名山子處於嶺表海外蠻人又
曰龍戶又曰崑崙奴祭蛇神馬人居林邑伏波戍卒之

遺也深目猓喙

按此則非中原之種也當緣馬留二字而譌

狼人多在南丹

三州狃人生崛巉中形如猿猓語吽嚶不可辨斑衣山子一曰莫徭猓人生廣西奧谷中狀如猩狒黎人生儋崖瓊萬之閒遐黎食父母黃纘曾滇行紀程云貴西苗九種大約垂髻垢面語言與黔人不同陸祚蕃粵西偶記云賓州諸處土夷有猓獐猓狼四種猓人最巧可買爲僮僕狼婦獨美嘗繡衣騎牛入市貿易猓有板猓箭猓不下十數種更有一種號山子喜獵不賦不役食盡則徙吳震方嶺南雜記云潮之西北有輦戶者男女椎髻跣足依山而處以射獵爲生舊常設官以治之曰輦

官蠶戶有三種魚蠶取魚蠟蠶取蠟木蠶伐山取木獠
蠻之別種隋唐爲患嶺南然是時不言有獠宋以後又
不言有獠意一種而隨代異名也獠與獠異類而桀驚
性同花衣短裙烏言獸行產自湖南溪峒先入廣西延
至廣東與獠爲讐粵有獠種出於五溪之蠻番禺雜編
云黎人在海南山洞中熟黎亦供州縣之役陳鼎滇黔
紀遊云黔省苗蠻甚多有東苗西苗牯羊苗青苗白苗
谷蘭苗紫姜苗平伐苗九股黑苗天苗紅苗生苗羅漢
苗陽洞苗黑白羅羅八番苗打牙犵狓剪頭犵狓木犵
狓家苗土人苗獠苗蠻人苗楊保苗狗耳龍家苗馬

燈龍家苗熨人猗人宋家蔡家共三十餘種宋蔡馬燈
龍家乃戰國時楚伐宋蔡龍三國俘其民放之南徼流
而爲苗知中原禮義衣服祭祀婚嫁一稟於周狝家最
惡而險通漢語知漢書世界地理云中國有拜物教崇
拜一切自然物如苗民之族卽信此教

世界地理謂居中國人約有七種一蒙古族東部爲蝦
拉族北部

喀爾喀亦在其中西部爲隘利由族又喀
爾姆克族住於松加利亞庫倫西北蒙古

二通古斯族住於滿
州庫倫

三土耳其族住於庫倫中部天山塔里木河
流域喀什喀爾揚子江之上流

四西藏族住於森保亞河上瀾拉瑪藏部
甘肅青海柴達木西藏西部西藏中部湖水

地方及中國本部與西藏接境之地自青海起連亘雲南

五漢族

住中國本部之北部及中部廣東福建庫倫甘肅松加利亞其中以居于中國本部北部及中

部者爲真漢族在廣東福建者爲哈加族在甘肅松加利亞克爾加者爲登耕族按哈加當作客家今江西福建等府縣猶編客籍是也或曰客加乃玃家之轉

音蓋玃種也其語音皆與廣東嘉應州語相近

六住於高地之民族

此種之關係未甚分明即居于四川省之南部及西部雲南省之北

部及西部依拉瓦諦河之上流瓊州島之一部貴州之高地西藏之東南部者是也苗族爲其代表漢人放逐苗民於此遂創建邦土云

七住於喀什喀爾庫倫塔里木河盆地下部及青海者

按此所言亦大粗略不足盡中國種族之學明倫察物通其意者將有待焉

乾隆四十二年八月十九日 上諭云我朝肇興古肅
慎地東夷之說因地得名如孟子稱舜東夷之人文王
西夷之人此無可諱亦不必諱按因地得名之說足破
萬古拘墟之見今時交涉諸國乃力爭不用夷字以爲
醜詆之詞其識轉隘矣

民種之學西人多好稽攷而中國古書亦往往及之特
不能詳盡耳余謂堯典所言析因夷隩實言民種之始
非謂農事也至周禮大司徒以土會之灋辨五地之物
生山林民毛而方川澤民黑而津丘陵民專而長墳衍
民皙而瘠原隰民豐肉而痺雖未言其所出之原而其

因所居而異者實已明言其故是以爾雅釋地云距齊

州以南戴日爲丹穴

郭注齊中也

北戴斗極爲空桐東至日

所出爲太平西至日所入爲大蒙太平之人仁丹穴之

人智大蒙之人信空桐之人武蓋以日星定中國之四

極而略區別其人之性情雖以仁武智信配東西南北

而同謂之極卽同謂之中

邢疏云極者中宮天極星其一明者泰一之常居以其居

天之中故謂之極極者中也

與九夷八狄七戎六蠻晦於禮義謂之

四海者固截然異稱也

據孫炎注云海之言晦闇於禮義也然則夷狄與中國異稱

者在禮義之有無故四極分仁武智信而不言禮義者以禮義乃中國所共有不以四方異俗也禮義有無遂

分夷夏而種族亦由同而之異矣

張茂先博物志云東方少陽日月所

出山谷清其人佼好西方少陰日月所入其土窈冥其
人高鼻深目多毛南方太陽土下水淺其人大口多傲
北方太陰土平廣深其人廣面縮頸中央四折風雨交
山谷峻其人端正此略言其形體之異尸子曰四夷之
民有貫匈者有深目者有長肱者黃帝之德常致之郭
海外南經山海經所載海外南經有結匈國羽民國謹
注引之頭國厭火國三苗國載國貫匈國交脰國歧舌國鑿齒
三首國周饒國一日焦長臂國海外西經有三身國一
臂國奇肱國丈夫國巫咸國女子國軒轅國白民國肅
慎國長股國海外北經有無臂國一目國柔利國深目

國無腸國聶耳國博父國拘纓國跂踵國

一日海外東大踵

經有大人國君子國青丘國黑齒國玄股國毛民國勞

民國海內南經有伯慮國離耳國雕題國北朐國臯陽

國氏人國匈奴

一日獫狁

開題之國列人之國海內西經有

東胡夸人貊國海內北經有犬封國曰犬戎國鬼國林

氏國蓋國南倭北倭朝鮮姑射國海內東經有國在流

沙中者埤端璽喚國在流沙外者大夏豎沙居蘇月支

之國大荒東經有大人之國

海外東經有之

小人國有焉國君

子之國

海外東經有之

白民國

海外西經有之

青丘國

海外東經有之夏州

國蓋余國困民國女和月母之國大荒南經有三身國

海外西經有之盈民國載民國當卽載國海外南經有之蜮民國有小人名

曰焦僥之國海外南經有之有馳姓之國驩頭之國海外南經有之義

和之國大荒西經有淑士國白氏國長脰國西周國此案

以姬周列之大荒不可解先民國有沃國女子國海外西經有之丈夫國海外

西經有之寒荒國壽麻國益山國互人國大荒北經有胡不

與之國肅慎氏之國始州國毛民國海外東經有之儋耳國深

目民之國海外北經有之中輻國賴巨國犬戎國海外西經有之海內

經有朝鮮海外北經有之天毒壑市汜葉朝雲司彘禺中鹽長

巴國又有贛巨人注以爲卽梟陽也海外南經有之有玄丘之

民大幽之國釘靈之國其可攷於今者十之三四卽不

可攷者亦未可言古之必無然其命各國之名則大端就形體而言而以地名者絕鮮此卽分種族之學淮南子墜形訓云凡海外三十六國自西北至西南方有修股民天民肅慎民白民沃民女子民丈夫民奇嵇股民一臂民三身民自西南至東南方結胥民羽民謹頭國民裸國民三苗民交股民不死民穿胷民反舌民豕喙民鑿齒民三頭民修臂民自東南至東北方有大人國君子國黑齒民玄股民毛民勞民自東北方至西北方有跂踵民句嬰民深目民無腸民柔利民一目民無繼民大抵依據山海經非別有所出萬國史記卷五云亞

非理駕人常傳其東南各部語率怪誕無稽或曰東南
海濱有人男女皆無鼻或曰具三四眼或曰眼在胷無
首以上古書又稱某王頭如犬某地有長人長數丈更
有矮人一種曰比鶴美士長可一尺住尼羅河源云知
當時中西傳聞約略相似矣今以西書言中國種族者
多未明其源委爰摭拾經史粗具崖略使來者可因以
理董焉

史記五帝本紀曰三苗在江淮荊州數爲亂於是舜歸
而言於帝請流其工於幽陵以變北狄

索隱變謂變其
形及衣服同於

夷狄也正義言四凶流四裔各於四夷放
其工等爲中國之風俗也按正義說是

放驩兜於崇

山以變南蠻遷三苗於三危以變西戎殛鯀於羽山以
變東夷

張華博物志卷二曰三苗國昔唐堯以天下讓於虞三
苗之民非之帝殺有苗之民叛浮入南海爲三苗國
書舜典竄三苗於三危僞孔氏傳云三苗國名縉雲氏
之後爲諸侯號饕餮三危西裔

又分北三苗正義引鄭玄以爲流四凶者降其位耳猶
爲國君故以三苗爲西裔諸侯猶爲惡乃復分北流之
謂分北西裔之三苗也

呂刑苗民弗用靈制以刑惟作五虐之刑曰法殺戮無

辜爰始淫爲劓刵椓黥僞孔傳云三苗之主頑凶若民敢行虐刑以殺戮無辜故曰五虐

禹貢三危旣宅三苗丕敘史記丕敘作大序索隱云鄭玄引河圖及地說云三危山在鳥鼠西南與岐山相連尙書正義云三危山未知所在地理志杜林以爲燉煌郡卽古瓜州也昭九年左傳云先王居櫛杙於四裔故允姓之姦居于瓜州杜預云允姓之祖與三苗俱放於三危瓜州今燉煌也

淮南子脩務訓舜南征三苗道死蒼梧

皋陶謨曰何遷乎有苗